

UPRAVNI ODBOR

Uspostavljen Zakonom o sistemu indirektnog oporezivanja
u Bosni i Hercegovini

Sarajevo, 29.08.2006. godine
Odluke UO - 290806/50

Na osnovu člana 14. Zakona o sistemu indirektnog oporezivanja BiH ("Službeni glasnik BiH", br. 44/03 i 52/04), a u vezi sa članom 12. i 13. Zakona o uplatama na jedinstveni račun i raspodjeli prihoda ("Službeni glasnik BiH", broj 55/04), Upravni odbor Uprave za indirektno oporezivanje, na 66. sjednici održanoj 29.08.2006. godine, donio je

ODLUKU

O RASPODJELI PRIHODA OD INDIREKTNIH POREZA SA JEDINSTVENOG RAČUNA ZA SEPTEMBAR I OKTOBAR 2006. GODINE

I

Prihodi od indirektnih poreza prikupljeni na jedinstveni račun Uprave za indirektno oporezivanje za septembar i oktobar 2006. godine raspoređuju se na slijedećoj osnovi:

- i) na račun rezervi: 10% od prikupljenih prihoda;
- ii) za budžet Bosne i Hercegovine za finansiranje institucija Bosne i Hercegovine na osnovu iznosa navedenog u Budžetu Bosne i Hercegovine za 2006. godinu za finansiranje institucija BiH, što dnevno iznosi 2.202.334 KM;
- iii) za finansiranje vanjskog duga: u visini dospjelih obaveza, oduzimanjem od dijela preostalog iznosa Federaciji BiH i Republici Srpskoj izračunatog u skladu sa tačkom II ove odluke i direktnim plaćanjem tih iznosa u državni budžet u skladu sa raspodjelom sredstava iz tačke II ove odluke.

II

Dio preostalog iznosa prihoda raspoređuje se i doznačava Federaciji Bosne i Hercegovine, Republici Srpskoj i Distriktu Brčko prema slijedećim prijelaznim koeficijentima raspodjele:

Federacija BiH	65,9 %
Republika Srpska	31,2 %
Distrikt Brčko	2,9 %

III

Stručnjaci iz oblasti poreza će izvršiti analizu alternativnih metoda raspodjele u naredna dva mjeseca, s tim što će prijedloge za sistem za 2007. godinu dostaviti Upravnom odboru UIO u novembru 2006.godine. Analizirane alternative bi trebale sadržavati prijedlog koji bi možda zahtijevao izmjenu Zakona o PDV i također bi trebale sadržavati načine analiziranja kako bi se sadašnji sistem mogao poboljšati i kako bi se njegovi trenutni nedostaci sveli na minimum.

IV

Ovi koeficijenti će biti revidirani na sjednici UO UIO u oktobru. Radit će se tokom septembra i oktobra na prevazilaženju trenutnih zabrinutosti vezanih za podatke iz PDV prijave i na sačinjavanju provedbenog propisa.

V

Poravnanje za 2006. godinu će biti izvršeno krajem godine na osnovu navedenog provedbenog propisa.

VI

Revizija za 2005. godinu će se izvršiti do kraja 2006. godine tako da se i poravnanje za tu godinu može također implementirati.

VII

Ova odluka stupa na snagu danom donošenja i bit će objavljena u „Službenom glasniku BiH“.

Predsjednik Upravnog odbora

Peter Nicholl